



Universitätsbibliothek Paderborn

Isagoge Ad Amorem Divinvm

Pennequin, Pierre

Antverpiae, 1661

22. Amor perfectus ad perfectam Dei fruitionem, quam habiturus est in alterâ vitâ, aspirat.

[urn:nbn:de:hbz:466:1-47132](#)

que ipsa tot horas in flammis purgantibus cruciari, quot in illis cum advenientibus invitè consumere cogebatur; neque enim credebat moniales ab illis tales recedere, quales ad illos ingressæ fuerant: Nolim quidem severius h̄c quām oportet agere, cū sciam S. Benedicti cum fratre Scholasticā colloquia, quantas amori in Deum augendo flamas in utriusque pectoribus excitarint; sed quia in multis tamen ardenter corda incensaque lingua non facilē reperies, ita etiam à prolixis illis confabulationibus plus detrimenti, quām adjumenti amore divinum haurire meritò dixeris.

C A P U T XXII.

*Amor perfectus ad perfectam
Dei fruitionem, quam
habiturus est in alterā vi-
tā, aspirat.*

I.
Quid in
hac vita
amantem
eructet.

Habet aliquid onerosum, ali-
quid permoleustum amoris
mortalis h̄ec vita, in qua terrena
corporis moles visco suo animi
pennas inficit, ne ad cælestis spon-
si complexus, congressusque, ut
lubet, evolare possit; quotidiana
edendi, dormiendoque necessitas
non parum temporis intercipit,
quod multò suavius in jucundo

amoris cum divina bonitate com-
mercio collocaretur; hinc amoris
suspirantis ad æternas illas fides
affectionis suavissimi & ardentissi-
mi.

Moysen aspice: admissus ille
ad intimam cum Deo familiaritatē,
ab eius colloquio facie radijs
coruscante revertitur; ut filij
Israël in eum oculos intendere
propter fulgorem erumpentem
nec audeant, nec possint: hac
tamen ille tantā tamque amicā
cum Deo consuetudine non con-
tentus, ad perfectiorem fruitio-
nem aspirat. Ostende, inquit, mi-
bi faciem tuam. Simeon senex ille *Simeon.*
Deo plenus esti verbum infantilibus
membris vestitum tenerimē brachijs esset complexus, co-
quē thesauro potitus, quo majo-
rem Deus homini clargiri non
potest, absolui nihilominus vin-
culis corporis efflagitat, quo in
ampliorem boni jam degustaci
possessionem admitti possit. S.
Paulum, si Chrysostomo credi-
mus, raptus ille in tertium cælum
ita delicijs cælestibus impleverat,
ita à rerum omnium sensu abstra-
xerat, ut si flamas mortales illi
adhiberes, non sentiret, non ure-
retur; & tamen quasi tantarum vo-
luptatum non meminisset, aut præ
illis, quas expectabat, parvi duce-
ret, exclamat: *Cupio dissolui & esse
cum Christo.*

Amantium huiuscmodi vox est
com-

communis cum Regio Propheta, qui inter illos perfectos amatores postremus non fuit: *Sicut anima mea ad Deum fortè vivum, quando veniam & apparebo ante faciem Domini* et qui dicit. Quando veniam, ostendit permolestam sibi esse tantu boni dilationem, & licet in foribus sit, pro magitudine tamen desiderij anhelanti animæ mirum quantum remotum esse videatur.

B. Franciscus Sales, qui cælestibus delicijs quodammodo absorptus, atque oppressus Deum rogarat humi prostratus ut contineret undas gratiæ, quia tantæ dulcedinis magnitudinem sustinere non poterat; postea quatuor aut quinque mensibus ante suum ex hac vita decepsum; Nihil est, inquit, nihil omnino in terris, quod me aliquo lætitiae sensu possit afficere, cuiusmodi illud sit, quod occurrit, nihil mihi solatij potest afferre; ad cælum cogitationes omnes meas transtuli: unde vicinior morti auditus est sèpè dicere: *Renuit consolari anima mea; memor fui Dei & delectatus sum.* Et tandem paullò ante mortem has exundantis lætitiae voces effari: *Misericordias Domini in aeternum cantabo.*

3. Simile de terra moru,

Terræ motum ab igne in visceribus terræ concluso effici putant Philosophi, qui accensus vicinumque aërem inflammans violentâ

terra concussione aditum sibi facere, & erumpere nititur, atque ad centrum suum descendere. Ita amor ille perfectus flammis suis interiora hominis depascens, & angustias pectoris non ferens, per suspitia, vocesque ardoris indices dilatari, & ad cælum evolare gestit: quod in sancto Dominico contigisse memorat S. Antoninus, Philippi qui tam frequentibus suspitijs, votisque ardentibus anhelabat ad di-

4.

Philippi

Nerii

ardor.

vinos amplexus, ut ultimis vitæ mensibus nodum animæ cum corpore non tam dissolvere, quam violenter abrumpere velle videatur. Cum S. Philippum Nerium in die Pentecostes tantis amoris incendijs astuantem lego, ut una è costis violento cordis motu frangeretur, unum aliquem carcere detentum videre mihi videor, qui libertatis avidus, fenestræ alicuius crates terreas diffringit, quâ evadere possit. Ita S. Philippo nimis angusta erant pectoris spatio, ex illis velut è carcere cor divinis flammis accensum ad æternam libertatem aspirabat. Audit S. Teresia in festis Paschatis suavissime can-

S. Teresie

tilenæ modulos animæ ad sponsi conspectum anhelantis, & dicentis: *Videant te oculi mei, dulcis Iesu, videant te, & bœ moriar, ut te fruar.* & viribus deficiens & extra se rapta, semimorta deportari debuit. Quid quoð Beatum Ægidium Francisci Discipulum sistebat in

P. vestigio

vestigio immobilem, cùm Paradisum nominari audiret, nisi quædam ab omnium rerum cogitatione mentis alienatio & impetus quidam animi in cælum evolare cupientis? In lachrymas resolvuntur alij, & grassantem amoris flammam suayi illo rore si non extingue, temperare certè aliquo modo nituntur: quod S. Patri nostro Ignatio frequenter evenisse memorantr; qui locum domus altiorem descendens, unde liber esset in cælum prospectus, ibi sublevatis in illud oculis, lachrymis suaviter defluentibus immadescebat, quasi illæ dicerent: *Quid mibi est in cælo, & à te quid volui super terram, Deus cordis mei, & pars mea Deus in æternum?*

S. Monica. Sed audiamus S. Augustinum cum S. Matre Monica paribus flammis ardente, & ad oltia Tyberis innixum cubiculi fenestræ, fixisque unâ in cælum oculis de cælestibus gaudijs cum illa sermones miscentem. Ita illa filium aliquiritur: Fili, quantum ad me attinet, nullâ jam re delector in hac vita: quid hîc faciam adhuc, & cur hîc sim nescio, jam consumptâ spe huius sæculi. ille verò, Quærebamus, inquit, qualis esset futura vita æterna sanctorum, quanî nec oculus vidit, nec auris audivit, nec in cor hominis ascendit: inhiabamus ore cordis in superna fluenta fontis tui, fontis vi-

tæ, qui est apud te; ut quantalibet delectatio corporea præ illius vita jucunditate non comparatione, sed ne commemoratione quidem digna videretur: ipsum, ajebam, quem amamus, sine ipsis audiamus; subtrahantur alia visiones longè imparis generis, hæc una rapiat & absorbeat spectatorem suum, ut talis sit sempiterna, quale fuit hoc momentum cui suspiravimus: nónne hoc est, Intra in gaudium Domini: scilicet amor ille perfectus jam consumperat in utriusque animo omnes paleas huius vitæ, & cælestis vitæ fruitionem, quo velut pabulo in æternum aleretur, requirebat.

Verum enim verò, cùm præter spem aeterna illa refectio differatur, & ignis ille amoris, undique alimenta, quibus refocilletur, inquirit; ad illud Teresianum recurrit, *Aut pati, aut mori: anima, inquit illa, gardens Deum videndi desiderio, cùm id differre animadvertisit, molestissimam illam dilationem non alio solatio levare utcumque potest, quam si pro sponso ant se voluntarijs pœnis excruciet, vel aliunde proruentes acerbitates & cruciatu pleno sinu excipiat.*

Catharina Senensis amore di-
vino tota deslagrans, cum occa-
sione Schismatis, pestilens cupi-
ditatum & bellorum incendium
totâ Italâ purvagari conspicit, se-
yehit

velut expiatoriam victimam Deo offert ad tantam pestem vel avertemendam , vel extinguidam : acceptatur à Deo eius oblatio , & velut victimam dæmonibus excruicianda , & excorianda traditur ; pascitur tamen tormentis istis eius in Deum charitas , mille pro tanta munificentia gratias agit , & dæmones provocat , ut ultimas vires in se torquenda experiantur.

Magdalena de Pazzi.
Magdalena de Pazzi, ut amoris suo faceret satis, Deum rogarat, ut dolores acerbissimas, quos sub mortem ille passus est, communicare dignareret; impetrat, & dum cruciatibus prope conficitur, præ amoris magnitudine medijs se innotare gaudijs arbitratur.

B. Angelica Folignia. B. Angelica Folignia quod suis ardoribus levamen aliquod & solatium inveniat; Deo supplicat, ut omnibus contumelij, opprobrij, omni ignominia ac infamiâ, quibus unquam ab omni memoria mortales omnes dehonestati fuere, onerari ac notari se permittat, id sese ingentis beneficij gratiaeque loco habituram: nimirum animæ ingentes cælestis amoris incendio propemodum consumptæ, malorum perpectionem quasi balnei alicuius refrigerationem efflagitant. Ad copiolum ignem alendum magnâ lignorum congerie opus est, ita ad amoris perfecti flammas nutriendas multæ & ex-

aggeratæ cruces necessariae sunt: ut meritò pudere nos debeat tam exigui in Deum amoris, qui ad minimam calamitatem refrigerescimus & cruci stramineæ consumentæ satis virim non habemus, cum è contrâ illa amoris prodigia in medijs flammis ad instar Salamandrar, non vitam modò, sed delicias inveniant, aut sicut Vesuvius aliquis aut Aethna perpetuos ignes enutriant, saxis durissinis, & metallo quolibet liquefaciendis pares: quin imò quò magis amor ille cælestis accrescit, eò magis cæterarum rerum minuuntur appetitiae, unumque novis semper incrementis augetur Dei videndi, possidendiique desiderium. Cuius rei adumbratam imaginem in Iordanis aquis sacræ paginæ representare mihi videntur, dum dicunt Sacerdotibus arcam deferentibus in Jordanem ingressis, & pedibus eorum in parte aquæ tintcis, stetisse superiores aquas ad instar montis intumescentes, & alias inferiores descendisse in mare mortuum, usquedum desicerent, populusque omnis per arenem alveum transiret. Idem contingit in illis perfectis amatoribus, in quorum animis omnes rerum fugientium imagines atque desideria disfluent, & evanescunt; unus Deus, eiusque amor augmentis continuis mirum quantum flammarum cumulum exaggeret,

Iofse 3.

P 2 nec

nec consumptâ vitâ, beatiori affluentâ perennet in celo.

9.
Ioannem
Baptistam
Sanchez.

P. Joannes Baptista Sanchez, unus ex illis, quos igneos appellat S. Chrysostomus, ita videndi Dei desiderio inarferat (quemadmodum superiori suo ex instituti sui lege retulit) ut si stius voti isto die se compotem non futurum Deo revelante cognosceret, continuò præ doloris magnitudine moritum non sentimus; sed magnis istis heroibus fides merito habenda est, quos ad id dicendum & amoris violentia, & veritates amor impulit.

10.
Sancham
Carillo.

Admirare mecum quid simile in Sanchâ Carillo, quam tantus amor ad cælum evolandi, Deoque fruendi incenderat, ut tantum bonum differri ipsa morte sibi intolerabilius esse duceret; cum intellegit divino monitu se demum post annum ~~re~~ adeò desideratâ potituram, Post annum, exclamat, & crudelis dilatio! unde mihi animus, & patientia, ut tantam moram ferre æquanimiter possim: ô carcer, ô vita! quam mihi diuturnum! Utinam volent dies, & hore, & tempora præcipiti cursu diffluant, ut tandem momentum illud compareat, in quo sub umbrâ illius, quem adeò amavi, conquiescam.

C A P U T X X I I .

*Amor perfectus interim dum
Dei fruitio æterna differ-
tur, frequenti Euchari-
stie sumptione se sola-
tur.*

Exem-
facra-
adeu-
Nemo alicui vitio vertit, si amici absentiam aut imaginis eius aspettu, aut alicuius ex filiis latam legiat, ut illus Ven. Euch. beneficij ornet, si omni amicitiae testificatione demereri sibi, ac de vincire conetur; atque his erga filium eius officijs, dolorem, quem ex amici absentia sentit, quomodo documque leniati, ita animæ Dei amore vulneratae, cum in hac misericordia valle tranquille, & ad satietatem eius præsentia frui non possunt, conspectu, colloquio que cum proximo, qui Dei imago est, & frequentatis erga pauperes obsequijs, in quibus Christum velut præsentem intuentur, contenta non sunt; sed eum in Venerabili Sacramento, sub candenti velo delitescentem frequenter accedunt, ibi illum venerantur, alloquuntur, & omnibus officijs humillime, ac perseverantissime colunt, ac demerentur. Primò itaque ad tempora publica, velut